



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE



Tel: 032 650 022
Fax: 032 650 220
032 650 416

www.opcina-tesanj.ba
e: optesanj@bih.net.ba
optenac@bih.net.ba (Općinski načelnik)

Broj:01-_____/12
Datum:_____ 2012 godine

- P R I J E D L O G -

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07), člana 20. stav 6. Odluke o izvršavanju budžeta Općine Tešanj za 2012. godinu ("Službeni glasnik Općine Tešanj", broj:10/11) i Budžeta Općine Tešanj za 2012. godinu ("Službeni glasnik Općine Tešanj", broj: 10/11), Općinsko vijeće Tešanj na svojoj 38. sjednici, održanoj dana ____ 2012. godine,
d o n o s i

O D L U K U
o usvajanju Programa novčanih podsticaja
za unapređenje primarne poljoprivredne proizvodnje
na području općine Tešanj u 2012. godini

Član 1.

Ovom Odlukom usvaja se Program novčanih podsticaja za unapređenje primarne poljoprivredne proizvodnje na području općine Tešanj u 2012. godini.

Član 2.

Program iz člana 1. ove Odluke sastavni je dio ove Odluke.

Član 3.

Za realizaciju ove Odluke zadužuje se Općinski načelnik i nadležna općinska Služba koja će sva planirana sredstva isplatiti korisnicima, koja se utvrđuju u okvirnom iznosu prema Programu, a proporcionalno će se uvećati ili umanjiti, u zavisnosti od broja odobrenih zahtjeva na kraju godine.

Član 4.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

PREDSJEDAVAJUĆI VIJEĆA

Esmir Subašić

O b r a z l o ž e n j e

PRAVNI OSNOV:

Pravni osnov za donošenje ove Odluke sadržan je u članu 20. stav 6. Odluke o izvršavanju budžeta Općine Tešanj za 2012. godinu ("Službeni glasnik Općine Tešanj", broj: 10/11) kojom je definisan način utroška planiranih sredstava u Budžetu Općine Tešanj za 2012. godinu ("Službeni glasnik Općine Tešanj", broj:10/11) u kome je definisana visina sredstava za ove namjene.

RAZLOZI ZA DONOŠENJE ODLUKE:

U budžetu Općine Tešanj su planirana sredstva na poziciji "Grantovi za razvoj poljoprivrede" u ukupnoj visini od 290.000,00 KM. Član 20. stav 6. Odluke o izvršavanju budžeta Općine Tešanj za 2012. godinu ("Službeni glasnik Općine Tešanj", broj: 10/11) definiše da se sredstva na poziciji "Grantovi za razvoj poljoprivrede" raspoređuju finansiranjem programa novčanih podsticaja za unapređenje poljoprivredne proizvodnje koji svojom odlukom usvaja Općinsko vijeće.

Nadležna općinska Služba je na bazi dosadašnjih iskustava kroz realizaciju Programa novčanih podsticaja za unapređenje primarne poljoprivredne proizvodnje na području općine, pripremila prijedlog Programa te dana 28.02.2012.godine u sali općinskog vijeća Tešanj je održana javna rasprava.. Javnoj raspravi su prisustvovali predstavnici poljoprivrenih udruženja, članovi općinskih komisija za poticaje kao i poljoprivredni proizvođači. Na osnovu sugestija koje su iznesene i evidentirane tokom rasprave, služba je izvršila pripremu Programa koji se dostavlja u formi prijedloga i stoga se predlaže donošenje ove Odluke kako bi se blagovremeno pristupilo realizaciji planirane aktivnosti u 2012. godini.

Prilog: Zapisnik sa javne rasprave

OBRADIVAČ:
SLUŽBA ZA FINANSIJE
PRIVREDU I INSPEKCIJE

Hamzalija Hojkurić,dipl.ecc.

PREDLAGAČ:
OPĆINSKI NAČELNIK
Fuad Šišić, dipl.ing.maš.

Broj:02-02-1-575-2/12
Datum:15.03.2012.godine